

Ilinniarfinni aamma ilinniagaqartut ineqarfiini aangajaarniutunik atuisoqartarnersoq pillugu misissuisoqartarnissaa pillugu Inatsisartut inatsisissaattut siunnersuut.

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Saqqummiussineq**Siullermeerinnineq**

Naalakkersuisut sinnerlugit matumuuna ilinniarfinni aamma ilinniagaqartut ineqarfiini aangajaarniutunik atuisoqartarnersoq pillugu misissuisoqartarnissaa pillugu Inatsisartut inatsisissaattut siunnersuut saqqummiuppara.

Siunnersuut suliaavoq Naalakkersuisut aangajaarniutitut politikkiat tunngavigalugu, siunnerfigalugu inatsisitigut tunngavissaqalernissaaq ilinniarfinnik aamma ilinniagaqartut ineqarfiinik tapersersuisinnaanermut, taakkua aangajaarniutunik inerteqquutaasunik atuisoqartarneranut suliniutaannut atatillugu.

Siunnersuutip pingaarnertut anguniagaraa ilinniagaqartut ilinniagaqartullu avatangisaasa illersorneqarnissaat. Kiisalu siunnersuut aamma atugarissaarnikkut imminullu susassareqatigiinnikkut atugassarititaasutigut pitsaanerulersitsiniarnermi aqutissiuusseqataassaaq ilinniarfinni namminerni ilinniartullu ineqarfiini, tamatumani aamma ilinniagaqartunut allanut ilinniagaqartunullu ukiukinnerusunut tunngatillugu.

Ilutigisaanik erseqqissarneqassaaq inatsisissatut siunnersuut una neqeroorutitut isigineqassamat, ilinniarfiit ilinniartullu ineqarfiisa atorsinnaasaattut, tunngavissalimmik pasitsaassisoqartillugu ilinniagaqartoq imaluunniit ilinniagaqartut ineqarfianni ineqartoq aangajaarniutunik atuisimasoq.

Siunnersuullu ilutigisaanik aamma aalajangersagartaqarpoq pissutsit aalajangersimasut atuunneranni aangajaarniutunik atuisoqartarnersoq pillugu misiligutissanik tigusisoqarsinnaaneranut. Periarfissarli taanna immikkut ilinniakkanut inuussutissarsiutini annertuumik ulorianartorsiorfiusinnaasutut taaneqarsinnaasunut taamaallaat atortuussaaq, sillimaniarnermiit isigaluni suliame peqataasunut piunasaqarfiusuni, taakkua pissutsinik tamakkiisumik isiginnessinnaanissaat, takunnissinnaanissaat timikkullu periataarsinnaaneq piunasaqaataatillugu atorineqarsinnaasumik.

Siunnersuutilli taamaasilluni periarfissaatinngilaa aalajangersimasumik aaqqissuussamik nunatsinni ilinniarfinni ilinniartullu ineqarfiini aangajaarniutunik atuisoqartarnersoq pillugu misiligutissanik misissorneqartussanik tigusisoqartarsinnaanera.

Siunnersuut taamaallaat siunnerfeqarpoq aangajaarniutitik atonerluisoqarnerani atorneqartartussatut, aangajaarniutit atorneqarsimasinnaanerat inatsisit naapertorlugit inerteqqutaammat.

Siunnersuummilu aamma ataatsimut isigisumik aalajaniunniarneqarpoq aangajaarniutitik atuisarneq nunatsinni ilinniagaqarfiusuni ilinniagaqartullu ineqarfiini akuerineqanngimmat, soorluttaaq taamatut nalunaarnerup nalinga nammineq isiginngitsuusaarneqarsinnaanngitsoq.

Taamatut oqaaseqarlunga siunnersuut Inatsisartunut suliassanngortippara.